

cengelj ni vuvu

itua vecekadan a qadaw, vaika en a mavavuwa kemin tjai vuvu, “vuvu na kencengelj anga sun dri?” ti vuvu kemasi pupaketjavan sa kemereng a qivu a maitucu, “ui, izua u kinsa, kanu!”. saqetju a qadaw tucu a hiluhilu, ti vuvu i kavuavuan a veneljuveljuc tua pupaketjavan a cemel. u sucaqevan a pariyuk, tjevuta nguljinguljingulj na cengel nimadju. aza itua pariyuk a kakaen, izua puk,vurasi kata dingding a pinatatautaud. a siyaw avan za na paiwan a kaljatiyang pinizuanan ta tjau cuvuq a kakerikerian a tumatu. nu tja pacunan a cenglj ni vuvu katantang, ljakua ti vuvu tjengelay a kemesa ta namaitucu, ika qapedang, ika macan uta. “kanu vuvu, maya kipiliq a pakasakuya! ” aya qivu tjanuaen. “ini vuvu nanguwaq aravc ca su cengelj.” aya en a temevela.

kaw ti vuvu maitucu, “ui numaya gamangu a keman sakamaya! u vaikaunan a qemacuvung taza kerikeri anga vaveljucen ,” ka vaik anga ti vuvu a makavuavuan, izua en a kemakan sa u paqayami za siyaw, manu ka u tekelen ika macan tu qaljemaqem a pagalju, saka sanguwaq a sequ. makakan na en, u sanguwaqen a nemanga, sa vaik a

makavuavuan a paljlilji tjaivuvu. manu nakitangez anga itua kasiw a kiljauljangun sa tjemenetjengez.

kaw u pacunan a kalicekic a pasa tjaivuvuvuvu, kemereng a qivu “vuvu gacalju! vuvu izua qatjuvi!” mintjus ti vuvu a kilimu sa alap ta vuka, pangpangi ta tuzung na vuka za qatjuvi, mapecinuq a qulu sakapacay. ti vuvu sialap ta qecap kaw qecapen sa sivaliljing pasa tua cemecemelen. izua namigacalj a migeregereger a en. “vuvu ika sun namalekutj ta qatjuvi, akumaya taqed sun i kalavan abunay yu.” aya ti vuuv “u tavak, puliaw anga en a qemeci ta qatjuvi, kinac anga en uta, ljakua ika en a semananema marekutj, nu kacen na en sapacay tja ungmi anga namaitazua.”

na secevung anga en ta vulung, ljakua ika en kinace, u kiljavaranan a mayatucu, “sau maya semamaza, vaiku ta su umaumaq!” matu kemaljang za vulung ta u siayaya, kicepelieu sa giljaljugalju a vaik ta nimadju a djaljan. ika u qineci, lja aya milimilingan nua ramaljemaljeng tja vuvu a vulung, nu tja qecin palisi, ika bulay aya tjaucikel, tja paviken sakamaya.maituc a temevela tjaivuvu“ljaku nu kacen itjen tjakudain.” miculuq ti vuvu ka lemanda.

奶奶的午餐

中午，我到田裡找奶奶，問她吃飯了沒，奶奶說煮了簡單的午餐，讓我自己去吃。炎熱的天裡，奶奶在花生園拔草，我打開鍋蓋，香氣撲鼻，鍋裡是樹豆、地瓜、蝸牛，湯裡有野生小番茄與小辣椒，清淡又美味。吃完後收拾好，我到花生園找奶奶，發現她靠著樹打瞌睡，一條青竹絲正向她爬去，我大喊叫醒奶奶，她迅速打蛇並扔進樹叢。我問奶奶為何不怕蛇，她說早已習慣，若被咬死就是命。奶奶提到百步蛇是祖先，不可隨便打死，只能放生。我想起曾遇百步蛇並對牠說話，牠竟然聽懂離開了。